

齊

八
伏
諱
避

掃葉山房
石印

齊已後新體詩第一

八代詩選十二

齊全梁上

長沙湘潭王閨運撰

王融

臨高臺

游人欲騁望。積步上高臺。井蓮當夏吐。窗桂逐秋開。花飛低不入。鳥散遠時來。還看雲棟影。含月共徘徊。

和王友德元古意

游禽暮知返。行人獨未歸。坐銷芳草氣。空度明月輝。顰容入朝鏡。思淚點春衣。巫山彩雲沒。淇上綠楊稀。待君竟不至。秋雁雙雙飛。

餞謝文學離夜

所知共歌笑。誰忍別笑歌。離軒思黃鳥。分渚夢青莎。翻情結遠旆。洒淚與行波。春江夜明月。還望情如何。

琵琶

抱月如可明。懷風殊復清。絲中傳意緒。花裡寄春情。掩抑有奇態。淒鏘多好聲。芳袖幸時拂。龍門空自生。

詠幔

幸得與珠綴。罽歷君之楹。月暎不辭卷。風來輒自輕。每聚金爐氣。時駐玉琴聲。但願置尊酒。蘭缸當夜明。

蕭子隆

經劉嶽墓下

升堂子不謬。問道余未窮。如何辭白日。千載隔音容。山門一已絕。長夜緬難終。初松切暮鳥。新楊催曉風。榛闕向蕪密。泉塗轉銷空。

王儉

春詩

風光承露照。霧色點蘭暉。青莢結翠藻。黃鳥弄春飛。後園餞從兄豫章

茲夕竟何夕。念別開曾軒。光風轉蘭蕙。流月汎虛園。

徐孝嗣

白雪歌

風閨晚翻露。月殿夜凝明。願君早流盼。無令春草生。

謝朓

隋王鼓吹曲十首

入朝曲

江南佳麗地。金陵帝王州。逶迤帶綠水。迢遞起朱樓。飛甍夾馳道。垂陽陰御溝。凝笳

出藩曲

雲枝紫微側。分組承明阿。飛艎遡極浦。旌節去關河。眇眇蒼山色。沈沈寒水波。饒音

巴渝曲

蕭鼓盛唐歌。夫君邁惟德。江漢仰清和。

登山曲

天明開秀嶸。瀾光媚碧隄。風盪飄鸞亂。雲行芳樹低。暮春春服美。游駕陵丹梯。升嶠

既小魯

登巒且悵齊。王孫尚游衍。蕙草正萋萋。

泛水曲

玉露霑翠葉。金風鳴素枝。罷游平樂苑。泛鷁昆明池。旌旂散容裔。簫管吹參差。日晚

厭遵渚

采菱贈清漪。百年如流水。寸心寧共知。

秋竹曲

嬋娟綺窗北。結根未參差。從風既嫋嫋。暎日頗離離。欲求棗下吹。別有江南枝。但能凌白雪。貞心陰曲池。

曲池之水

緩步遵莓渚。披衿待蕙風。芙蓉舞輕帶。苞筍出芳叢。浮雲自西北。江海思無窮。鳥去能傳響。見我綠琴中。

新亭渚別范零陵雲

洞庭張樂地。瀟湘帝子游。雲去滄梧野。水還江漢流。停驂我悵望。輟棹子夷猶。廣平聽方藉。茂陵將見求。心事俱已矣。江上徒離憂。

移病還園示親屬

疲策倦人世。歛性就幽蓬。停琴伫涼月。滅燭聽歸鴻。涼薰乘暮晰。秋華臨夜空。葉低知露密。崖斷識雲重。折荷葺寒袂。開鏡盼衰容。海暮騰清氣。河關祕棲沖。烟衡時未歇。芝蘭去相從。

和劉西曹望海臺

滄波不可望。望極與天平。往往孤山暎。處處春雲生。滄池遠望。風。及薄領。棄捨出重城。臨川徒可羨。結罔庶時營。

送江兵曹檀主簿朱孝廉還上國

方舟汎春渚。攜手趨上京。安知暮歸客。詎憶山中情。香風縈上發。好鳥葉間鳴。揮袂送君已。獨此夜琴聲。

臨溪送別

悵望南浦時。徙倚北梁步。葉上涼風初。日隱輕霞暮。荒城迴易陰。秋溪廣難渡。珠泣宣徒然。君子行多露。

和何議曹郊游

春心澹容與。挾弋步中林。朝光映紅萼。微風吹好音。江垂得清賞。山際果幽尋。未嘗遠離別。知此愜歸心。流汴終靡已。嗟行方至今。

和徐都曹出新亭渚

宛洛佳敖游。春色滿皇州。結軫青郊路。回瞰蒼江流。日華川上動。風光草際浮。桃李成蹊徑。桑榆蔭道周。東都已倣載。言歸望綠疇。

贈王主簿

清吹要碧玉。調弦命綠珠。輕歌急綺帶。含笑解羅襦。餘曲詎幾許。高駕且躊躇。裴回韶景暮。惟有洛城隅。

離夜

玉繩隱高樹。斜漢耿層台。離堂華燭盡。別幌清琴哀。翻潮尚知恨。客思眇難裁。山川不可夢。況乃故人杯。

夜聽妓

上客光四座。佳麗直千金。挂釵報纓絕。墮珥答琴心。蛾眉已共笑。清香復入襟。歡樂夜方靜。翠帳垂沈沈。

奉和隨王殿下十六首

清房動已靜。閒風依夜來。雲生樹陰遠。軒廣月容開。宴私移燭影。游賞藉琴台。風猷冠淄鄴。衽寫愧鄒枚。

分悲玉瑟斷。別緒金尊頃。風入芳帷散。釭華蘭殿明。想折中園草。共知千里情。行雲故鄉色。贈此一離聲。

年華豫已滌。夜叉賞方融。新萍時合水。弱草未勝風。閨幽瑟易響。臺迴月難中。春物廣餘照。蘭護佩未窮。

同謝諮議詠銅雀臺

總帷飄井幹。尊酒若平生。鬱鬱西陵樹。詎聞歌吹聲。芳襟染淚跡。嬋娟空復情。玉坐

猶寂寞。況乃妾身輕。

同王主簿有所思

佳期期未歸。望望下鳴機。徘徊東陌上。月出行人稀。

銅雀悲

落日高城上。餘光入總帷。寂寂深松晚。寧知琴瑟悲。

玉階怨

夕殿下珠簾。流螢飛復息。長夜縫羅衣。思君此何極。

金谷聚

渠碗送佳人。玉杯邀上客。車馬一東西。別後思今夕。

王孫游

綠草蔓如絲。雜樹紅英發。無論君不歸。君歸芳已歇。

和王中丞聞琴

涼風吹月露。圓景動清陰。蕙風入懷抱。聞君此夜琴。蕭瑟滿林聽。輕鳴響澗音。無為澹容與。蹉跎江海心。

詠薔薇

八竹言
齊全梁上
低枝詎勝葉。輕香幸自通。發萼初攢紫。餘采尚霏紅。新花對白日。故葉逐行風。參差不俱耀。誰肯盼微叢。

詠燭

杏梁賓未散。桂宮明欲沈。暖色輕帷裡。低光照寶琴。徘徊雲髻影。的爍綺疏金。恨君秋月夜。遺我洞房陰。

張融

別詩一首

白雲山上盡。清風松下歇。欲識離人悲。孤臺見明月。

梁昭明太子蕭統

晚春

紫蘭葉初滿。黃鸝弄始稀。石蹲還似獸。蘿長更勝衣。水曲文魚聚。林冥鵝鳥飛。渚蒲變新節。岩桐長舊圍。風花落未已。山齋開夜扉。

詠彈爭人

故箏猶可惜。應度幾人邊。塵多跢移柱。風燥脆調弦。還信三洲曲。誰念九重泉。
簡文帝網

上之回

前旆拂回中。後車臨桂宮。輕絲駐雲罕。春色繞川風。桃林方灼灼。柳路日瞳瞳。笳聲駭胡騎。清磬驚山戎。微臣今拜手。願帝永無窮。

蜀國弦歌篇十韻

銅梁指斜谷。劍道望中區。通星上分野。作固下為都。雅歌因良守。妙舞自巴渝。陽城嬉樂所。劍騎鬱相趨。五婦行難至。百兩好游娛。牲祈望帝祀。酒酌蜀侯姝。江妃納重聘。卓女受將雛。停弦時繫爪。息吹更始朱。脫衫渝錦浪。回扇避陽烏。聞君握節返。賤妾下城隅。

豔歌篇十八韻

陵晨光景麗。倡女鳳樓中。前瞻削成小。旁望卷旌空。分妝開淺靨。繞臉傅斜紅。張琴未調軫。飲吹不全終。自知心所愛。出入仕秦宮。誰云連尹屈。更是莫敖通。輕軺綴早蓋。飛轡轢雲驄。金鞍隨繫尾。銜璫映纏鬢。戈鏤荆山玉。劍飾丹陽銅。左把蘇合彈。旁持大屈弓。控弦因鵲血。挽彊用牛螭。弋獵多登隴。酣歌每入豐。輝輝隱落日。冉冉還房櫳。燈生陽燧火。塵散鯉魚風。流蘇時下帳。象簾復韜筒。霧暗窗前柳。寒疎井上桐。女蘿託松際。甘瓜蔓井東。拳拳恃君寵。歲暮望無窮。

妾薄命篇十韻

名都多麗質。本自恃容姿。蕩子行未至。秋胡無定期。玉兒歇紅臉。長顰慣翠眉。匣鏡迷朝色。縫鍼脆故絲。本異搖舟咎。何關竊席疑。生離誰拊背。溘死詎來遲。王嬌兒本絕。跟踰入氍毹。盧姬嫁日晚。非復少年時。轉山猶可遂。烏白望難期。妾心徒自苦。旁人會見嗤。

從軍行

貳師惜善馬。樓蘭貪漢財。前年出右地。今歲討輪台。魚雲望旂聚。龍沙隨陳開。冰城朝浴鉄。地道夜銜枚。將軍號令密。天子璽書催。何時返舊里。遙見下機來。

汎舟橫大江

滄浪白日輝。游子出王畿。旁望重山轉。前觀遠帆稀。廣水浮雲吹。江風引夜衣。旅雁同洲宿。寒鳥夾浦飛。行客誰多病。當念早旋歸。

隴西四戰地。羽檄歲時聞。護羌擁漢節。校尉立元勳。石門留鉄騎。冰城息夜軍。洗兵逢驟雨。送陳出黃雲。沙長無止泊。水脉屢縈分。當思勒彝鼎。無用想羅裙。悠悠縣旆旌。知向隴西行。減灶驅前馬。銜枚進後兵。沙飛朝似幕。雲起夜疑城。回山時阻路。絕水亟稽程。往年郵支服。今歲單于平。方歡凱樂盛。飛蓋滿西京。

雁門太守行

輕霜中夜下。黃葉遠辭枝。寒苦春難覺。邊城秋易知。風急旂旂斷。涂長鎧馬疲。少解孫吳法。家本幽并兒。非關買雁肉。徒勞皇甫規。隴暮風恆急。關寒霜自濃。樞馬夜方思。邊衣秋未重。潛師夜接戰。略地曉摧鋒。悲笳動胡塞。高旂出漢壙。勤勞謝功業。清白報迎逢。非須主人賞。寧期定遠封。單于如未繫。終夜慕前蹤。

京洛篇

南游偃師縣。斜上灞陵東。回瞻龍首堞。遙望德陽宮。重門遠照耀。天閣復穹窿。城旁疑複道。樹裡識松風。黃河入洛水。丹泉繞射熊。夜輪縣素魄。朝光蕩碧空。秋霜曉驅雁。春雨暮成虹。曲陽造甲第。高安還禁中。劉蒼歸作相。竇憲出臨戎。此時車馬合。茲晨冠蓋通。誰知兩京盛。歡宴遂無窮。

權歌行

妾家住湘川。菱歌本自便。風生解刺浪。水深能捉船。葉亂由牽荇。絲飄為折蓮。澣妝疑薄汗。霑衣似故漣。浣紗流暫濁。汰錦色還鮮。叅同趙飛燕。借問李延年。從來入弦管。誰在權歌前。

怨歌行

十五頗有餘。日照杏梁初。蛾眉本多嫉。掩鼻特成虛。持此傾城兒。翻為不肖軀。秋風吹海水。寒霜依玉除。月光臨戶駛。荷花依浪舒。望檐悲雙翼。窺沼泣前魚。若生履處沒。草合行人疎。裂紈傷不盡。歸骨恨難祛。早知長信別。不避後園輿。

美女篇

佳麗盡關情。風流最有名。約黃能效月。裁金巧作星。粉光勝玉靚。衫薄擬蟬輕。密態隨流臉。嬌歌逐軟聲。朱顏半已醉。微笑隱香屏。

茱萸女

茱萸生狹斜。結子復銜花。遇逢纖手摘。濫得睽鉛華。雜與環簪插。偶逐鬢鈿斜。東西爭贈玉。縱橫來問家。不無夫婿馬。空駐使君車。

有所思

昔未離長信。金翠奉乘輿。何言人事異。夙昔故恩疎。寂寞錦筵靜。玲瓏玉殿虛。掩閨泣團扇。羅綺詠靡蕪。

和湘東王橫吹曲三首

折楊柳

楊柳亂成絲。攀折上春時。葉密鳥飛碍。風輕花落遲。城高短簫發。林空畫角悲。曲中無別意。併是為相思。

洛陽道

洛陽佳麗所。大道滿春光。游童初挾彈。蠶妾始提筐。金鞍照龍馬。羅袂拂春桑。玉車爭晚入。潘果溢高箱。

紫駱馬

賤妾朝下機。正值良人歸。青絲縣玉鐙。朱汗染香衣。驟急珂彌響。踴多塵亂飛。彫旅幸可薦。故心君莫違。

長安道

神皋開隴右。陸海寔西秦。金槌抵長樂。複道向宜春。落花依度幙。垂柳拂行輪。金張及許史。夜夜尚留賓。

明君詞

玉豔光瑤質。金鈿婉黛紅。一去蒲萄觀。長別披香宮。秋檐照漢月。愁帳入胡風。妙工偏見詠。無由情恨通。

詠中婦織流黃

翻花滿階砌。愁人獨上機。浮雲西北起。孔雀東南飛。調絲時繞腕。易鐻乍牽衣。鳴梭逐動釧。紅妝映落暉。

艷歌行

雲楣桂成戶。飛棟杏為樑。斜窗通縹氣。細隙引塵光。裁衣魏后尺。汲水淮南牀。青驪莫當返。預使羅裾香。賦得當爐。

十五正團圓。流光滿上闌。當垆設夜酒。宿客解金鞍。迎來挾瑟易。送別但歌難。欲知心恨急。翻令衣帶寬。

擬沈隱侯夜夜曲

靄靄夜中霜。河開向曉光。枕曉常帶粉。身眠不著牀。蘭膏盡更益。薰鑪滅復香。但問愁多少。便知夜短長。

獨處怨

獨處恆多怨。開幕試臨風。彈碁鏡墮上。傳粉高樓中。自從征馬去。音信不曾通。只恐金屏掩。明年已復空。

楚妃歎

幽閨情脉脉。漏長宵寂寂。草螢飛夜戶。絲虫繞秋壁。薄笑未為欣。微歎還成戚。金簪
鬢下垂。玉筋衣前滴。

侍游新亭應令

神襟愍行邁。歧路愴徘徊。遙瞻十里陌。旁望九城台。鳳管流虛谷。龍騎藉春苔。曉光
浮野暎。朝烟承日迴。沙文浪中積。春陰江上來。柳葉帶風轉。桃花含雨開。聖情蘊珠
綺。札命表英才。顧憐砒砒質。何以儷瓊瓌。

登烽火樓

聳樓排樹出。卻堞帶江清。陟峰試遠望。鬱鬱盡郊京。萬邑王畿曠。三條綺陌平。巨原
橫地險。孤嶼派流生。悠悠歸棹入。渺渺去帆驚。水烟浮岬起。遙禽逐霧征。

觀漢水

雜色崑崙水。泓澄龍首渠。豈若茲川麗。清流疾且徐。離離細磧淨。藹藹樹陰疎。石衣
隨溜卷。水芝扶浪踈。連翩寓去楫。鏡澈倒遙墟。聊持點纓上。於是察川魚。

經琵琶峽

由來歷山川。此地獨回還。百嶺相紆蔽。千崖共隱天。橫鋒時碍水。斷岬或通川。還瞻
已迷向。直去復疑前。夕波照孤月。山枝斂夜烟。此時愁緒密。口口魂九遷。

仙客

漆水豈難變。桐刀乍可揮。青書長命籙。紫水芙蓉衣。高翔五岳小。低望九河微。穿池聽龍長。叱石待羊歸。酒闌時節久。桃生歲水稀。

望同泰寺浮圖

遙看官佛圖。帶壁復垂珠。燭銀逾漢汝。寶鐸邁昆吾。日起光芒散。風吟宮徵殊。露落盤恆滿。桐生鳳不雛。飛幡雜晚虹。畫鳥狎晨鳥。梵世凌空下。應真蔽景趨。帝馬咸千轡。天衣盡六銖。意樂開長表。多寶見金軀。能令苦海渡。復使慢山踰。願能同四忍。長當出九居。

旦出興業寺講

沐芳肅朝帶。駕言抵淨宮。羽旂承去影。鐃吹雜還風。吳戈夏服箭。驥馬綠沈弓。水照柳初碧。烟含桃半紅。由來六塵縛。宿昔五纏朦。見鶴徒知謬。察象理難同。方知慙四辨。奚用語三空。

率爾成詠

借問仙將畫。詎有此佳人。傾城且傾國。如雨復如神。漢后憐名燕。周王重姓申。挾瑟曾游趙。吹簫屢入秦。玉階偏望樹。長廊每逐春。約黃出意巧。纏弦用法新。迎風時引